

增訂

偽

藥

條

辨

卷六

行例 目錄

山草部

十八種

芳草部

十七種

藻草部

附方草
穀蔬

十二種

甚短。邊緣平坦。頂端尖銳。枝脈爲弧狀四分出。分甲乙兩種。甲種爲鉸針形。長二五仙米至五仙米。幅達於二仙米。乙種較甲爲小。爲尖卵圓形。長一仙米至二仙米。幅達二仙米。本爲瀉利之實驗。近今多爲瀉下藥用之。

木部

附果木

香木

寓木

肉桂一

真桂出桂陽山谷。及廣州交趾者最佳。必肉厚氣香。色紫黯。有油。味甘。嘗之舌上極清甜者。方可用。若嘗之舌上不清。一切開有白點者是洋桂。大害人。洋桂尙不可用。近日有僞造肉桂者。聞用楊梅樹皮。其形似桂。晒乾。以薄桂熬取濃汁。浸潤透心。再晒再浸。以香油潤過。致色香既竊以辨。屢以此等假桂遠販外府縣。及窮鄉僻壤。各小肆混售。害人無算。

安得有此人。爲之斷行禁絕乎。

烟草 按肉桂爲樟科樟屬植物。常綠喬木。種類甚多。產越南廣西熱帶。當分數種。曰清化。曰猛羅。曰安邊。(產鎮安關外)曰密桂。(產密川)曰欽靈。曰潯桂。此總名也。又有猛山桂。(即大油桂)曰大石山。曰黃摩山。曰社山。曰桂平。(即土桂)產雲南曰蒙自桂。產廣東曰羅定桂。曰信宜桂。曰六安桂。最盛產外國者。爲錫蘭加西耶。皆名洋桂。大抵桂之鑑別。一辨皮色。二辨氣味。辨皮之法。皆以形狀比喻。相似名之。曰荔枝皮。曰龍眼皮。曰桐油皮。曰龍鱗皮。曰鐵皮。曰五彩皮。曰硃砂皮。曰綢紗皮。皮以二色。惟野生無定形。總不外結實、滑、潤、淨、潔、六字爲要。桂性直上。身如桃榔。直豎數丈。中無枝節。皮紋直實。肉如織錦。紋細而明者爲上桂。然野生者。間有橫紋。其形狀必蒼老。

堅結。橫直交錯。斑點叢生。皮色光潤。紋細而滑。亦爲野生佳品。若橫紋多而色紅。皮粗紋粗。如荆棘滯手。皆爲下品。此辨皮色之大要也。

辨氣。觀其土產皮色。既知其外。又須嗅其氣。嘗其味。以知其內。

辨氣亦有六法如醇、厚、馨、燥、辣、木虱臭、是也。凡試桂聞氣。以手摸桂肉數轉。聞之即知。如清化桂則氣醇而馨。猛羅桂。則氣厚而馨。安邊桂則氣馨而不燥。潯桂或燥或辣。或氣如木虱臭者。亦有氣醇而微帶木虱臭者。若收藏年久。燥辣之氣消。惟木虱臭卒不能革除。或有馨香。得人工所製。亦帶木虱氣。皆屬僞種。要以馨而純。如花之清香不雜。

若似花椒丁香氣而燥。如山奈皂角氣而辣。皆下品也。辨味。嗅氣之外。當試以味。試味之法。以百沸湯沖水少許。涼而嘗之。當分醇、厚、燥、辣、爲四味。且湯汁入口。分辨較鼻嗅更易明。必須味醇厚不燥辣者爲

最佳。不辣之中。先以水辨其味。曰清。曰濁。曰淡茶色。曰米汁。曰乳汁。曰綠汁。曰白水。凡白水、淡茶色。清者味必醇。惟米汁、乳汁、綠水。皆有清濁之分。清者味醇。濁者味燥。然紅水間。有清濁難分。必嘗其味厚而醇者。爲野生猛羅之類。味燥者。爲飲靈潯桂之類。綠水亦不一類。如猛羅種。油黑者。水必綠。味多苦。亦有油薄者。水亦不綠。如潯桂之油濃者。則水亦綠。其味必兼燥。清化安邊。其得氣清。其油必薄。神桂之油。雖亦厚薄不一。惟五味俱全。有甜辣苦酸。亦有甜馨。而馨總以微帶苦酸爲正。總之不得以油之厚薄爲定。見水綠紅爲貴賤。須要別其水之清濁。味之醇燥辛辣。斯可爲分辨的確耳。再辨口刀。(一)清化桂。荔枝皮。硃砂肉。刀口整齊。皮肉不起泡點。不見花紋。皮縮肉不凸。實而不浮。皮肉分明。或皮肉之界有線分之曰銀線。最爲清品。(二)猛

羅桂。龍眼皮。或五彩皮。或硃砂皮。縐紗皮。固有肉縮肉凸。肉不起
。泡點不現。花紋正而不浮。亦爲正品(三)欽靈桂、薄桂、(卽猪桂)二種
。皆粗皮橫紋。刀口邊口起泡。凸皮縮肉。凸紅色。泡點花斑皆爆烈。
此爲下品。(四)神桂。桐油皮。龍鱗鐵甲。縐紗肉。氣厚而馨。味厚而
醇。爲野生神桂之正品。玉板桂。今之蒙自桂也。片平而厚。邊捲而淺
。肉色黯黃。皮粗而厚。油脂不多。亦稱上品。他如皮色青黃。層捲如
筒。亦名筒桂。卽今安桂是也。又有官桂一種。桂枝卽其枝也。出羅定
。形如安桂。味淡性薄。捲作二三層者皆次。此辨桂之種類優劣。參考
前哲名言。徵以實驗。約略從形態氣味言之。惟効用不及再詳。據鄭君
所辨之種。皆非上品。如下品已賤。何必再作僞品。此我浙尙無之。

僞名洋杜仲。又名土杜仲。皮紅而厚。少絲。按杜仲之木。始出豫州山谷。得中土之精。皮色黑而味辛平。折之有白絲相連不斷。兼稟陽明少陰金水之精氣。故本經主治腰膝痛。補中益精氣堅筋骨。強志。除陰下癰濕。小便餘瀝。若此種洋杜仲皮色既紅。則性味自別。又安可用乎。

兩章按杜仲乃樹之膜皮也。其樹之葉。作倒置之卵形。端尖。但能剝杜仲之樹幹。非高數丈。大可一二人抱者不可。考其年齡。在數十年者。割剖之時間。自五月至九月。過此則不易分割矣。其皮在根間者。厚鬆而次。在中段者。皮厚細糯爲佳。枝杈以上皮雖細極薄。效力亦弱矣。產四川綏定洛陽者。體質堅重。外皮細結。內皮光黑。中層絲厚。扯之輒長如絲者。最佳。巴河產者亦佳。貴州及鄂之施南。湘之寶慶等處產者。皮粗質輕。皆次。浙之溫台與閩省。雖皆有產。質鬆皮粗。內層絲皮

甚薄。皆不道地。

黃

栢

栢古字作𣎵今省筆作栢三

黃栢本出漢中山谷。今以蜀中產者皮厚色深爲佳。樹高數丈。葉似紫椿。經冬不凋。皮外白裡深黃色。入藥用其根。結塊如松下茯苓。氣味苦寒無毒。近有一種僞品。色黃而黑。味竟不苦。不知何物假充。用之得無害乎。

炳章按黃栢。四川順慶府南充縣出者爲川栢。色老黃。內外皮黃黑。塊片小者佳。可作染料用。湖南及關東出者。爲關栢。塊片甚大而薄。色淡黃者次。東洋出者。爲洋栢。色亦淡黃。質鬆。更不入藥。

枳殼

四

僞名洋枳殼。不知何種果實僞充。或云六七月採小香藥僞爲枳實枳殼。或

云採枸橘混充。又福州多橘。土人於夏秋間橘子未大。經風雨搖落者。拾而晒之。僞充枳殼。性既不同。誤用有害。按周禮云。橘逾淮而北爲枳。今江南枳橘皆有。江北有枳無橘。江西多枳。不僞逾淮而始變也。七八月採者爲枳實。九十月採者爲枳殼。氣味苦酸微寒。臭香形圓。花白多刺。穢內黃白。皮色深綠。故又名綠衣枳殼。主散留結。胸膈痰滯。逐水消脹滿。能瀉上焦氣分實邪。爲治病要藥。若以僞品混售。眞草菅人命矣。

枳章 按枳殼枳實。爲老嫩大小之分別。江西沙河出者。細皮肉厚而結。色白氣清香而佳。龍虎山出者亦佳。四川出者。名川枳殼。色黃肉厚。味帶酸。次之。江浙衢州出者。皮粗色黃。捲口心大肉薄。亦次。浙江黃埠出者。肉鬆而大。有燈盞之名。更次。洋枳殼者。或卽此也。七八月採者。小而嫩肉厚。乾之黑褐色爲枳實。九十月採者。殼大肉略薄。

色白爲枳殼。每個對切爲兩皆以翻肚如盆口唇狀。須陳久者良。近時有一種臭橘。形亦相似。其氣惡濁。不堪入藥。

化橘紅

五

按嶺南雜記。化州仙橘。相傳仙人羅辨稱橘於石龍之腹。惟此一株。在蘇澤堂爲最。故梁氏家藏蘇澤堂化州橘皮。著有橘紅歌。歌長不錄。產清風樓者次之。紅樹者又次之。其實非橘。皮厚肉酸不可食。其皮釐爲五片。或七片。不可成雙。每片真者可值一金。前朝每年所產。循例具文報明上台。屆期督撫差親隨跟同採摘批製。官斯土者。亦不多得。彼土人云。凡近化州得聞譙樓更鼓者。其皮亦佳。故化皮者多。真者難得。關涵嶺南隨筆。有云。化州署橘樹。一月生一子。以其皮入藥。痰立解。後爲大風所折。即其地補種。氣味更殊。今稱化州橘紅者。率以增城各處所出香柚

皮僞代之。氣味辛溫而烈。氣虛及有火者。萬不可服。服之即有害。昔豐順丁中丞撫閩時。贈化州橘皮一個計五片。皮薄色黯黃。微有毛孔。氣香味甘。且語先君云。此予官化州學時。署中檻前一株。每年只產數枚。朝夕調護。寶而藏之。且云近化州得聞署中更鼓者。尙可用。舍此皆贗物也。今肆中辦有一種皮厚色綠者皆柚皮僞充。醫者處方幸勿輕率頻疏綠毛化。及化州皮等名。徒服僞藥。於病鮮濟。不如只用陳久橘皮。較爲穩當。願與同志商之。

炳章按梁紹壬云。化州橘樹。乃仙人羅辦。種於石龍腹上。共九株。各相去數武。以近龍井略偏一株爲最。并在署大堂左廊下。龍口相近者次之。城以外。則臭味迥殊矣。廣西孝廉江樹玉著橘紅辨。謂橘小皮薄。柚大皮厚。橘熟由青轉黃。柚熟透綠轉黃。間常坐臥樹下。細驗枝葉香。

味。明明柚也。而混呼之曰橘。且飾其皮曰紅。實好奇之過云。或有云
近龍井下有礫石。礫石能化痰。橘樹得礫石之氣。故化痰力更勝。識藥
辨微云。化橘紅近日廣中來者。皆單片成束。作象眼塊。或三五十片
。兩頭以紅繩紮成一把。外皮綠黃色。內腹皮白色。週身有豬鬃皮。此
種皆柚皮。亦能消痰。此近今名白毛紅。又一種爲世所重。每紮十片如
爪。用化州印。名五爪橘紅。亦柚皮所製。較掌片略佳。究之較眞者遠
甚也。眞化州橘紅。煎之作甜香。取其汁一點入痰盂內。痰變爲水。此
爲上品。如梁氏家藏蘇學堂橘紅。每一個七破反摺作七歧。晒乾氣甚香
烈。此亦上品也。近今通行有黃色綠色兩種。均七歧對摺。質薄有毛。
黃色較綠色尤貴。雖非眞品。皆屬柚皮之類。然用於寒痰濕痰病尙效。
凡屬陰火熱痰。及肝火燥肺涎痰。皆忌。誤用之反增劇。甚則咳血。不

可不知也。

橘絡 六

橘絡即橘瓢上筋膜。日華子謂口渴吐酒。煎湯飲之甚效。張隱菴云。能行胸中之飲。而行於皮膚。故又能疏達絡氣。貨缺之時。聞價值甚昂。射利之徒。用白萊菔細切如絲晒乾。以橘皮煎濃汁浸潤。再晒僞充。橘絡色香。淺無以辨。巧則巧矣。如斷喪天良何。

綱章按金御乘云。橘絡能宣通經絡滯氣。予屢用以治衝氣逆於肺之脈脹。甚有效。趙恕軒云。通經絡氣滯脈脹。驅皮裏膜外積痰。活血。此其效用之實驗也。其產地亦有多種。如出廣東者。名廣橘絡。色白條細帶少。出浙江衢州。名衢橘絡。色白絡細長。皆佳。出四川者。色白黃絡粗略次。出台州者。名台橘絡。絡細少帶帶。爲最次。

內製陳皮 七

蘇州宋公祠創製陳皮醬。爲理嗽化痰妙藥。馳名天下。近上海多有僞品。尤而效之。即福州亦有僞製假充。味辛辣雖甜不潤。其色粗淡。不堪入藥。誤服之反見咳嗽。勿用爲是。

車前按百草鏡。製青鹽陳皮。即蘇州宋公祠之遺法也。能消痰降氣。生津開鬱。運脾調胃。解毒安神。方用陳皮二斤。河水浸一日。竹刀輕刮去渣白。貯竹筐內。沸湯淋三四次。用冷水洗淨。不苦爲度。晒之半乾。可得淨皮一斤。初次用甘草、烏梅肉、各四兩。煎湯汁拌。日晒夜露。俟酥捻碎如豆大。再用川貝母去心四兩。青鹽三兩。研爲細末。拌勻。再晒餅。候乾收貯。或名參貝陳皮。亦同此法。

僞名洋木瓜。大粒長式。光皮黑色。不知何種果實僞充。萬不可用。按木瓜處處雖有。當以宣城產者爲勝。陳久者良。氣味酸溫。皮薄色黃赤。味極芳香。能調榮衛。助穀氣。平下利腹痛。去濕和胃。及濕痺脚氣。霍亂轉筋等症。聞又有木桃木李形質頗相似。亦可僞充。用者當求眞品也。

所草按木瓜爲落葉灌木之植物。幹高五六尺。葉長橢圓形。至春先葉後花。其花分紅白兩種。頗美豔。秋季結實長圓形。產地首推浙江淳安縣。名淳木瓜。最佳。外皮似縐紗紋。色紫紅。體堅結。肉厚心小個勻。湖北宣城產者。名宣木瓜。體結色紫紋縐亦佳。其餘紫秋巴東濟南等處所產。雖亦有佳種。然不及以上兩處之美。四川綦江縣產者。名川木瓜。質鬆色黃。皮粗糙。無細紋。個大而肉薄。亦次。福建產者。色黃而大味香。不入藥用。又一種紅梨。皮光肉結實者。亦僞充木瓜。不堪入

藥。如鄭君所云。木桃木李。或即此類。宜慎辨之。

烏梅 九

造烏梅法。係取青梅籃盛於甕。突上熏黑。若以石灰淋汁潤濕蒸過。則肥澤不露。近有以小李偽造充售。則無益而有害矣。

炮章按烏梅杭州出者。肉厚核小。色黑。性潮潤者佳。紹興楓橋出者。性燥核大肉薄。色黑微黃者。略次。別處亦出。總要肉厚色黑。性糯爲佳。

沈水香 十

真黑沈香以海南黎峒所出者爲勝。最不易得。次則真臘。次則交廣崖州等處。入藥須取色純黑。質不枯。硬重能沈於水者。爲上。半沈者次之。近有以老束香有紫油者僞充。性燥烈。質重不能沈水。誤人匪淺。

炳章按南方草木狀云。交趾有密香樹。幹如柅柳。其花白而繁。其葉如橘。欲取香伐之。經年其根幹枝節。各有別色也。木心與節堅黑沉水者爲沉香。與水面平者爲雞骨香。其根爲黃熟香。其榦爲棧香。細枝堅實未爛者爲青桂香。其根節輕而大者爲馬蹄香。其花不香。成實乃香爲雞舌香。同出一樹。皆珍異之物也。香譜云。沉水香出天竺單于二國。與棧香雞骨同出一樹。其葉似橘。經冬不凋。夏生花白而圓細。秋結實如檳榔色紫。似橘而味辛。樹皮青色。木如檳柳。重實黑色沉水者即沉香。今復有色黃而沉水者。謂之蠟沉丁。香傳云。香之類有四。曰沉、曰麝、曰生結、曰黃熟。其爲類也有二。沉香得其八焉。曰烏文格。曰黃蠟。曰牛眼。曰牛角。曰牛蹄。曰雞頭。曰雞腿。曰雞骨。皆爲沉香也。雞骨香以其枯燥清淨故名。青桂香即沉香黑斑者也。倦游雜錄云。沉香木嶺南